



## Indgået

14 JUNI 2018

Inatsisartuni ilaasortaq Niels Thomsen  
Demokraatit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

### Mittarfinnik ingerlatseqatigiiffiit pillugit § 37 naapertorlugu apeqquteqaammut 2018-102-mut akissut

13-06-2018  
Suliaq normu.: 2018-12137  
Allakkiaq normu: 8016228

Asasara Niels Thomsen

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

#### Apeqqut 1:

**Mittarfeqarfiit Kalaallit Airports A/S-illu akornanni suliffeqarfiit marluusut ataatsimut kattunneqarnissaannik oqaloqatigiissuteqarnerat Naalakkersuisut qanoq ilisimasaqarfigivaat?**

Akissut:

Ineqarnermut Attaveqaqatigiinnermullu Naalakkersuisoqarfiup Mittarfeqarfiit ingerlatseqatigiiffiup suliffeqarfittut imminut ingerlattutut inissisimanera pillugu ingerlaavartumik oqaloqatigaa – Kalaallit Airports A/S-ip suliai mittarfiillu ilusissai nutaat ataatsimut isigalugit.

Tamanna "Uunga siunnersuut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. xx af xx. xxx 2018-imeersoq" pillugu nassuiaatini allassimavoq.

#### Apeqqut 2:

**Naalakkersuisut Demokraatitulli isumaqarpat ingerlatseqatigiiffiit taakku marluk politikikkut aalajangiinissaq akuliuffiginagu pingaarnertut suliassatik aalluttariaqaraat?**

Akissut:

Naalakkersuisut isumaqarput, siunissami Kalaallit Nunaanni mittarfiit ilusissaannik aaqqissuussinissaq inuit immikkoortullu, suliassaqarfik pillugu immikkut ilisimasallit soorlu Mittarfeqarfiit aamma Kalaallit Airports A/S isumassarsiorfigalugit suliarisariaqartoq.

Ingerlatseqatigiiffiit marluusut siunissami suliassat ataqatigiiffissaallu pillugit aalajangiisoqassappat, tamanna politikikkut aalajangiiffineqartariaqarpoq.

#### Apeqqut 3:

**Naalakkersuisut ingerlatseqatigiiffiit marluusut saaffiginiarpaat inussiarnersumillu - aalajangersumilli - qinnuigalugit ingerlatseqatigiiffiit ilumut**

**ataatsimut kattunneqassanersut akuliuffigeqqunagu. Aamma Naalakkersuisut tamatumunnga atatillugu politikikkut aalangiiniarneq pillugu ingerlatseqatigiiffiit nassuiaassiniarpat tamannalu ataqseqqullugu?**

Akissut:

Naalakkersuisut ingerlatseqatigiiffinnik attuumassutillit pillugit oqaloqatiginninnertik maannatut ingerlatiinnarniarpaat, tak. apeqqu 2-mut oqaaseqaatika.

**Apeqqu 4:**

**Naalakkersuisut suliamut soqutiginaateqarsinnaasunik allanik paasisutissiisinnaappat?**

Akissut:

Naagga. Apeqqutinut saqqummiunneqartunik allanik oqaaseqaatissaqanngilanga.

Inussiarnersumik inuulluaqqusilunga

  
Simon Simonsen